

Comataidh Lèirsinn

7/2/24, 0930-1230

Zoom

Dreach geàrr-chunntas

Bòrd: Marion Nic na Ceàrdaich (sa Chathair) Rhoda NicDhòmhnail
Màiri Kidd

Luchd-obrach: Dòmhnall Caimbeul [DC] (Àrd-Oifigear)
Maireadh Chamshron [MC] (Stiùiriche Susbaint)
Lisa Annette [LA] (Ceannard Cruth-atharrachadh Didseatach)
Rowan NicPhàdraig [RN] (Oifigear Conaltraidh) – puingeann 1-5
Scott Mac a’ Ghobhainn [SS] (Ceannard Ùr-ghnàthachais agus Anailiseachd) –
puingeann 1-6)
Donaidh Dòmhnallach [DMD] (Ceannard Gnìomhachas) – puing 6
Laura Rennie [LR] (Comhairliche HR) – puingeann 7-8
Sarah Dhòmhnallach [SMD] (Ceannard Ionmhais & Dearbhaidh) – puingeann 7-8
Mairi Anna NicAonghais [MAMI] (a’ sgrìobhadh geàrr-chunntas)

1. Leisgeulan

1.1 Iain Moireasdan.

2. Gnothaichean dearbhte

2.1 Cha robh gin.

3. Geàrr-chunntas na coinneimh mu dheireadh (7/11/23) & GAE

3.1 Geàrr-chunntas: aontaichte.

3.2 GAE – comharraichte.

4. Teicneòlas – planadh airson seisean AI

4.1 A’ leantainn na coinneimh mu dheireadh, bha pàipear air beulaibh bhall le fios air adhartas a dh’ionnsaigh seisean deasbaid mu AI a chumail le luchd-ùidh ann an oifisean Ofcom.

4.2 Bha am pàipear a’ sealltainn bun-bheachd cruthachail airson bhidio cruthaichte le AI.

- 4.3 Bhiodh am bhidio air a thaisbeanadh agus air a chleachdadh gus còmhradh a bhrosnachadh air cnapan-starra, buannachdan, cunnartan is eile ann a bhith a' cleachdadh AI gu cruthachail anns na meadhanan Gàidhlig.
- 4.4 Chaidh deasbad a chumail mu fòrmat an t-seisean, am briathrachas a bhathas a' cleachdadh ann na tuairisgeul an t-seisean agus na cunnartan agus na buannachdan a dh'fhaodadh a bhith ann.
- 4.5 **Co-dhùnadh:** bha a' Chomataidh riarichte.
- 4.6 **Gnìomh:** (1) thèid an aithris an cois a' bhun-bheachd atharrachadh beagan; (2) thèid molaidhean a thaobh làthaireachd a chur air adhart airson aonta; agus (3) thèid deit sa Chèitean aontachadh le Ofcom. (SS)

5. Luchd-ùidhe

- 5.1 Bha pàipear air beulaibh bhall le fiosrachadh air na diofar raointean conaltraidh san robhas an sàs, agus chaidh dreachd meatraigs a shealltainn.
- 5.2 **Co-dhùnadh:** ghabh buill fainear.
- 5.3 **Gnìomh:** thèid *mapping* a chur ris a' mheatraigs airson na h-ath choinneimh far a bheil an àite aig diofar luchd-uidh ann an craoladh Gàidhlig soilleir, le fios mu na ceanglaichean a th' againn leotha a dh'fhaodadh fuasgladh a thoirt air amasan na buidhne, a' sealltainn taobhachas ro-innleachdail, le co-theacsa air dè thachair san ùine a chaidh seachad, le adhartas ga shealltainn gach cairteal. (RN)

6. Amasan agus Prìomh Thoraidhean

- 6.1 Bha pàipear air beulaibh bhall a' cur siostam OKR / APT (Objectives & Key Results / Amasan & Prìomh Thoraidhean) fa chomhair na Comataidh airson a' Phlana Bliadhnail 2024-25.
- 6.2 Ged a bha siostam KPI feumail cha robh e a' ceangal nan comharran le na h-amasan.
- 6.3 An cois siostam APT/OKR, thèid siostam measaidh an luchd-obrach ùrachadh, a' cleachdadh bathar bog *Lattice*.
- 6.4 Tha *Lattice* a' cuideachadh mhanaidsearan gach mìos ann a bhith a' cur air dòigh còmhraidhean 1:1 cunbhalach agus measaidhean mu choinneimh APT/OKRs pearsanta, gu mìosail agus ann an dòighean furasta agus feumail.
- 6.5 Bidh na 3 prìomh Amasan aig MG ALBA soilleir agus furasta:
- + a' cruthachadh buaidh tro na meadhanan Gàidhlig;
 - + a' frithealadh Gàidheil uile;
 - + a' brosnachadh ionnsachadh Gàidhlig.

- 6.6 **Co-dhùnadh:** bha a' Chomataidh riarachtaichte.
- 6.7 **Gnìomh:** thig pàipear air beulaibh bhall aig coinneamh a' Bhùird air 29/2/24. (DC).

7. Luchd-obrach

- 7.1 Bha pàipear air beulaibh bhall a' sireadh comhairle nam ball air an tomhas a dh'fheumas a dhèanamh a thaobh cosgaisean a chumail teann agus a thaobh a bhith a' leasachadh MG ALBA airson na h-ama ri teachd.
- 7.2 Bu mhath leis a' bhuidheann, le deagh adhbharan, daoine ùra fhastadh gu MG ALBA. Tha obair atharrachaidh ri dhèanamh agus tha an luchd-cleachdaidh a b' àbhaist a bhith air telebhisean a-nis ma sgaoil air iomadach ùrlar agus inneal. Agus, tha obair margaidheachd agus "engagement" a-nis riatanach ann an dòigh nach robh e riamh roimhe.
- 7.3 Bha am pàipear, sa chiad dhol a-mach, a' sireadh taic na Comataidh airson maoinne a chur gu taobh airson dreuchdan ùra ann an 2024-25.
- 7.4 Bha am pàipear cuideachd a' mìneachadh an atharrachadh cultar a tha a' tachairt agus mar a thathas am beachd suirbhidhean luchd-obrach a chleachdadh ann an dòigh cunbhalach thairis air gach bliadhna airson nithean leithid ìrean toileachais is cuideam (stress) a thomhas.
- 7.5 **Co-dhùnadh:** bha buill riarachtaichte leis a' phlana airson fastadh, le aithne gu feumar coimhead a-rithist ris an dreuchd a thaobh Stiùiriche ùr gus an t-ainm agus an ròl fhaighinn dìreach ceart agus chaidh am pàipear a mholadh chun Bhùird.
- 7.6 **Gnìomh:** thig pàipear chun Bhùird. (DC)

8. Sgrùdadh Phoileasaidhean

- 8.1 Bha pàipear air beulaibh bhall a' mìneachadh
- + gu feumar poileasaidh àrdachaidh pàighidh a mholadh don Bhòrd gach bliadhna; agus
 - + gu robh ùrachadh 3-bliadhnail de Phoileasaidh Fastaidh agus Sgeama Peinnsein & Sochairean ri mheasadh.

Poileasaidh pàighidh

- 8.2 Bha pàipear air beulaibh bhall le modail airson àrdachadh pàighidh airson 2024-25 a bha faisg air a' mhodail a chaidh aontachadh airson 2023-24, le àrdachadh cuibheasach (average) de 3.2% airson 2024-25 an coimeas ri 4.5% airson 2023-24. Chaidh deasbad a chumail.
- 8.3 Bha aithne ann gu feumar a bhith mothachail a thaobh tuarastalan aig ìrean tòiseachaidh an coimeas tuarastalan luchd-obrach a tha air a bhith aig a' bhuidheann fad ùine.

8.4 **Co-dhùnadh**: dh'aontaich a' Chomataidh ris na bh' air am beulaibh agus thèid seo a mholadh chun Bhùird.

8.5 **Gnìomh**: thig pàipear chun Bhùird. (DC)

Poileasaidh Fastaidh

8.6 Bha am poileasaidh, a chaidh a mheasadh agus ris an deach atharrachaidhean beaga a dhèanamh, air beulaibh na Comataidh.

8.7 Bha beachd ann gum biodh e cuideachail pìos mu 'blind recruiting' aig ìre gearr-liosta a chur ris.

8.8 **Co-dhùnadh**: an dèidh an atharrachadh mar aig 8.7, dh'aontaich a' Chomataidh ris a' phoileasaidh.

8.9 **Gnìomh**: thèid am poileasaidh fhoillseachadh mar a bhios iomchaidh. (MAMI)

Sgeama peinnsein agus sochairean eile

8.10 Bha pàipear air beulaibh bhall le measadh air Sgeama peinnsein agus sochairean eile far an robhas san fharsaingeachd a' measadh nach eil na sgeamaichean feumach air atharrachadh.

8.11 Thèid beachdachadh air 1) comas is miann airson sgeama ceannach EV (electric vehicle) tro "salary sacrifice" airson luchd-obrach (MMD) ; 2) bithear a' coimhead air deuchainnean slàinte sìmplidh a thabhann mar phàirt de phrògram "wellbeing" (MMD) agus 3) thèid rannsachadh a dhèanamh air a bheil an sgeama peinnsein co-fharpaiseach. (SMD)

8.12 **Co-dhùnadh**, dh'aontaich a' Chomataidh ris a' mheasadh.

8.13 **Gnìomh**: tillear chun Chomataidh le fios a bharrachd mu dheidhinn na puingeon aig 8.11. (MAMI)

9. Amasan an Àird-Oifigeir

9.1 Bha pàipear air beulaibh bhall a' cur Amasan an Àird-Oifigeir (air an aontachadh gach bliadhna leis a' Chathraiche, le taic na Comataidh agus a' Bhùird) air beulaibh na Comataidh airson beachd agus chaidh deasbad a chumail.

9.2 Bha ceist aig buill na Comataidh an robh an AO air a thaiseachadh gu leòr gus na h-amasan a choileanadh, le faireachdainn ann gu bheil feum air cuid de na h-uallachaidhean a thoirt seachad chun Stiùiriche ùr a thèid fhadhadh.

9.3 Bha aonta ann gun cuidich an atharrachadh cultar a thathas a' cur an sàs an-dràsta, le feum air daoine ag obair aig an ìre iomchaidh agus a' dèanamh cinnteach gu bheil tiomnadh ùghdarrais ann air cuid a stuth.

9.4 Bha beachd ann gu feumar coimhead ri mar a tha na h-amasan air an sealltainn, ie, a’ dèanamh sgaradh air an fheadhainn a tha fo smachd na buidhne agus fo smachd cùisean bhon taobh a-muigh.

9.5 **Co-dhùnadh:** bha buill riarachtaichte.

9.6 **Gnìomh:** gheibh Cathraiche na Comataidh facal air Cathraiche a’ Bhùird. (MS)

10. Fastadh bhall

10.1 Bha pàipear air beulaibh bhall a’ mìneachadh suidheachadh ballrachd a’ Bhùird.

10.2 Le àireamh nam ball a’ seasamh aig 6 + an cathraiche, chaidh innse gu bheil Ofcom a’ fastadh triùir bhall ùr, le taic bhon Chathraiche.

10.3 Chaidh innse gun do chùm an Cathraiche agallamhan air 5 agus 6 Gearran agus gum bi Ofcom a’ moladh triùir bhall ùr san ùine a tha romhainn, le measgachadh chomasan agus ghnèithean.

10.4 **Co-dhùnadh:** bha buill riarachtaichte agus thèid coimhead ri meatraigs sgilean a’ Bhùird an dèidh buill ùra a bhith air an cuir an sàs.

11. Riaghlachas na Comataidh

11.1 Bha plana-obrach na Comataidh 2024/25 air beulaibh na Comataidh airson beachd agus chaidh deasbad a chumail.

11.2 **Co-dhùnadh:** le atharrachadh beag no dhà, agus le “Minority Language Media + Marketing and discoverability” a bhith air a chur dhan phlana fo Horizon Scanning airson coinneamh a’ Chèitein, bha buill riarachtaichte.

11.3 **Gnìomh:** thèid am plana-obrach air beulaibh na Comataidh sa Chèitean (cuide ri Aithisg na Comataidh airson 2023/24 agus Fèin-mheasadh na Comataidh airson 2023/24). (MAMI)

12. GISBE

12.1 Cha robh gin.

13. Deit na h-ath choinneimh – 21/5/24

Ainm sgrìobhte a’ chathraiche:

Deit: